

四庫全書

史部

欽定四庫全書

史部

郡齋讀書後志卷一

詳校官侍講學士臣法式善

編修臣程嘉謨覆勘

總校官檢討臣何思鈞

校對官學正臣翁樹棠

謄錄監生臣猶元梓

昭德先生郡齋讀書後志序

昭德先生校井氏書為讀書志四卷番陽黎侯傳本於蜀刊之宜春郡齋且取希弁家所藏書刪其重複撫所未有益為五卷別以讀書附志三衢游史君蜀人也亦以蜀本鈔諸梓乃衍而為二十卷書加多焉蓋先生門人姚君應績所編也按先生自序余家自文元公來以翰墨顯者七世故家多書然自中原無事時已有火厄及兵戈之後尺素不存而杜君鵬舉所序扣之古松流

金匱要略卷之三十一
序
水之間亦止於四卷則方其得南陽藏書時固未多也
其殆三榮校讀之後網羅其家散失裒彙漸夥或者先
生續筆邪抑門人推廣其遺志也今考姚君所編杜序
獨缺而不著而著先生自序有所謂合吾家舊藏得若
干卷疑於尺素不存之語自相牴牾希弁摘取其所增
入者凡四百三十五部總八千二百四十五卷往往畀晁氏
之書請於郡而併刊焉然四卷既傳矣不敢以附志次
其先自為讀書後志二卷然後并晁二氏藏書之富其

目大備希弁家三世所藏因以託不朽云郡侯命序梗
概於卷首至若二本所載井氏四卷之書其間有實同
而名異此備而彼遺與夫分種入類之各不同又為考
異於編末淳祐庚戌日南至江西漕貢進士秘書省校
勘書籍趙希弁謹序

欽定四庫全書

邵齋讀書後志卷一

宋 趙希弁 撰

經類

周易甘棠正義三十卷

右梁任正一撰以孔穎達為本甘棠云者正一嘗為陝州司馬故名其書

坤鑿度二卷

欽定四庫全書

邵齋讀書後志

右題曰包羲氏先文軒轅氏演古籀文蒼頡修按隋唐志及崇文總目皆無之至元祐田氏書目始載焉當是國朝人依託為之

周易緯稽覽圖二卷周易緯是類謀一卷周易緯辨終備一卷周易緯乾元敘制記一卷周易緯坤靈圖一卷易通驗卦二卷

右漢鄭玄注按隋志有鄭氏注易緯八卷唐志有宋均注易緯九卷李氏本注與隋志同卷數與唐志同家本

蓋出李氏獨不載乾鑿度二卷而有乾元敘制一卷按後漢注七緯名亦無乾元敘制

周易開玄闢一卷

右唐蘇鶚撰自序云五代祖晉官至吏部侍郎學兼天人嘗製八卦論為世所傳遭亂遺墜而編簡尚有存者鶚乃畧演其旨於此

周易流演五卷

右唐成玄英撰錯綜六十四卦演九宮以直年月日推

國家之吉凶玄英道士也故道藏錄之或云釋仁英撰
未知孰是

周易啟源一十卷

右蔡廣成撰李邕鄆云唐人田偉置于王昭素之下今
從李說有德恒伯言德膚德翰四目皆作問對凡三十
六篇

陸東意學十卷

右皇朝陸東撰秉字端夫舊名東寶元二年以此書奏

御勅書嘉獎秉嘗通判蜀州首篇論易之名頗采參同契之說

邵古周易解五卷

右皇朝邵古天叟撰古雍之父也世本范陽治平初卒于洛年七十九其學先正音文云

代淵易論二十卷

右皇朝代淵撰國史藝文志有其目

徐庸易意緼一卷

右皇朝徐庸撰庸以春秋凡例易亦有之故著書九篇
號意緼凡例總論其學祖劉牧陸東云

徂徠先生周易五卷

右皇朝石介守道撰景迂云易古文十二篇先儒謂費
直專以彖象文言參解易文以彖象文言雜入卦中者
自費氏始孔穎達云王輔嗣又分爻之象辭各附當爻
則費氏初變古制時猶若今乾卦彖象繫卦之末歟古
經始變于費氏卒大亂於王弼惜哉今學者曾不之知

也石守道亦曰孔子作彖象於六爻之前小象係逐爻之下惟乾悉屬之於後者讓也嗚呼他人尚何責哉家本不見此文豈介後覺其誤改之歟

宋咸易訓三卷

右皇朝宋咸撰咸自序云予既以補註易奏御而男億請餘義凡百餘篇端因以易訓名之蓋言不敢以傳世特教其子而已頗論陸希聲劉牧鮮于侁得失云

橫渠易說十卷

右皇朝張載子厚撰載居橫渠故以名書其解甚畧繫辭差詳

張弼易十卷

右皇朝張弼興化軍人章惇薦于朝賜號葆光處士紹聖二年黃裳等再薦之詔以為福州司戶本州教授其易學頗宗鄭氏

河圖解二卷

右皇朝康平撰凡五十二篇

王湜易學一卷

右皇朝王湜同州人早潛心於邵康節之學其序曰康節有云理有未見不可強求使通故愚於觀物篇之所得既推其所不疑又存其所可疑亦以先生之言自慎不敢輕其去取故也

兼山易解二卷

右郭忠孝撰忠孝字立之河南人頗明象數自謂得李挺之卦變論于陳子惠因亟讀有得焉靖康中持憲關

右死于難故其書散落大半

孫莘老尚書解十三卷

右皇朝孫覺莘老撰覺仕元祐至謂康王以喪服見諸
侯為非禮蘇氏之說蓋本于此

毛詩辨疑一卷

右皇朝楊時中立撰

開寶通禮二百卷

右皇朝劉溫叟等撰開寶中詔溫叟同李昉盧多遜扈

蒙揚昭儉賈黃中和峴陳諤損益開元禮為之附益以
國朝新制

太常因革禮一百卷

右皇朝姚闢蘇洵撰嘉祐中歐陽修言禮院文書放軼
請禮官編修六年用張洄奏以命闢洵至治平二年乃
成詔賜以名李清臣云開寶已後三輯禮書推其要歸
嘉祐尤悉然繁簡失中訛缺不補豈有拘而不得騁乎
何植釀之甚也

金少日五ノ三
卷一
郊廟禮文三十一卷

右皇朝揚完撰元豐初以郊廟禮文訛舛詔陳襄李清臣王存黃履何洵直孫諤揚完就太常寺檢討歷代沿革以詔考其得失又命陸佃張璪詳定後以前後嘗進禮文獨令完編類五年成書奏御其書雖援據廣博而雜出衆手前後屢見繁猥為甚云

周禮義辨疑一卷

右皇朝揚時中立撰

集謚總錄一卷

右皇朝孫緯撰春明退朝錄嘗集類國朝謚幾二百人
緯任宗正寺丞日因宋氏之舊纂元豐已後遂得三百
餘人自宗室宰相以下分為九等其序畧云有爵位已
高當得謚而未聞者若范質呂餘慶韓崇訓王博文姜
遵王沔是也

太常禮書一百五十卷

右皇朝陳祥道用之撰祥道元祐初以左宣義郎任太

常博士解禮之名物且繪其象甚精博朝廷聞之給札
繕寫奏御今世傳止五十卷予愛之而恨其缺少得是
本於敘州通判盧彭年家其象日以五彩飾之於是始
見其全書云

聲律要訣十卷

右唐上黨郡司馬田疇撰疇序謂一切樂器依律呂之
聲皆須本月真響若但執累黍之文則律呂陰陽不復
諧矣故據經史參校短長為此書云

琵琶故事一卷

右未詳何人所纂

教坊記一卷

右唐崔令欽撰開元中教坊特盛令欽記之率鄙俗事非有益於正樂也

皇祐樂記三卷

右皇朝胡瑗等撰皇祐二年下詔曰國初循用王朴樂太祖患其聲高令和峴減下一律然猶未全命瑗同阮

逸等二十餘人再定四年樂成奏之上御紫宸殿觀焉
此其說也

范蜀公樂書一卷

右皇朝范鎮景仁撰景仁論樂宗房庶潛心四十餘年
出私財鑄樂器元祐中奏御

樂府詩集一百卷

右皇朝郭茂倩編次取古今樂府分十二門郊廟歌辭
十二燕射歌辭三鼓吹曲辭五橫吹曲辭五相和歌辭

十八清商曲辭八舞曲歌辭五琴曲歌辭四雜曲歌辭
十八近代歌辭四雜謠歌辭七新樂府詞十一通為百
卷包括傳記辭曲畧無遺軼

春秋經社六卷

右皇朝孫覺撰其學亦出於啖趙凡四十餘門論議頗

嚴

春秋演聖統例二十卷

右皇朝丁副撰田偉書目副作嗣未知孰誤其序云經

有例法一家所至較然重輕杜預釋例專左氏而未該
唐陸淳纂例雖舉經而未備纖悉絳羅而咸在者其唯
此書乎

春秋名號歸一圖二卷

右偽蜀馮繼先撰左氏所書人不但稱其名或字或號
或爵諡多互見學者苦之繼先皆取以繫之名下云

帝王歷紀譜三卷

右題曰秦相荀卿撰載周末列國世家故一名春秋公

子血脈圖頗多踈畧決非荀卿所著且卿未嘗相秦豈世別有一荀卿邪

皇侃論語十卷

右梁皇侃撰古今論語之注多矣何晏集七家復采古論語注為集解行于世侃今又引衛瓘繆播樂肇郭象蔡謨袁宏江惇蔡英李充孫綽周懷范甯王珉凡十三家之說成此書其序稱江熙所集世謂其引事雖時近詭異而援證精博為後學所宗云

王令論語十卷

右皇朝王令逢原撰解堯曰篇云四海不困窮則天祿不永終矣王安石書新義取之

呂與叔論語解十卷

右皇朝呂大臨撰大臨雖程正叔之徒解經不盡用其師說

汪氏論語直解十卷

右皇朝汪革撰革字信民撫州人紹聖中試禮部為天

下第一嘗語人曰吾鄉有二宰相一為天下之福一為天下之禍蓋指晏元獻王荊公也即此可見其解經淵源所自云

經解類

六說五卷

右唐劉迅撰迅著書以擬六經此乃其敘篇唯易闕而不言故止五卷云

匡謬正俗八卷

右唐顏籀師古撰以世俗之言多謬誤質諸經史刊而正之永徽中其子揚庭上之

演聖通論四十九卷

右皇朝胡旦撰論六經傳注得失易十六卷書七卷詩十卷禮記十六卷而春秋論別行天聖中嘗獻于朝博辨精詳學者宗焉

小學類

爾雅音畧三卷

右偽蜀毋昭裔撰爾雅舊有釋智騫及陸朗釋文昭裔以一字有兩音或三音後生疑于呼讀今釋其文義最明者為定

小爾雅一卷

右孔氏古文也見于孔鮒書

急就章一卷

右漢史游撰唐顏師古注游元帝時為黃門令書凡三十二章雜記姓名諸物五官等字以教童蒙急就者謂

字之難知者緩急可就而求焉自昔善小學者多書此故有皇象鍾繇衛夫人王羲之所書傳于世

智永千字文一卷

右梁周興嗣撰釋智永所書

于祿字書一卷

右唐顏元孫纂以經史所用為正世所行為俗三者之間為通凡三體

林氏小說三卷

右唐林罕撰凡五百四十一字其說頗與許慎不同而互有得失邵必緣進禮記石經陞對仁宗顧問罕之書如何必曰雖有所長而微好怪說文歸字從堆從止從帚以堆為聲罕云從追於聲為近此長於許氏矣說文哭從吅從獄省罕乃云象犬嗥此怪也有石刻在成都公武嘗從數友就觀之其解字殊可駭笑者不疑好怪之論誠然

翰林禁經八卷

欽定四庫全書

御齋讀書後志
卷一

七

右唐李陽冰撰論書勢筆法所禁故以名書

墨藪十卷

右高陽許歸與編未詳何代人李氏書目止五卷而梁武評書王逸少筆勢論皆別出

臨池妙訣三卷

右未詳撰人後有江南李煜述書

古文四聲五卷

右皇朝夏竦撰博採古文奇字分四聲編次以便檢尋

周越書苑十五卷

右皇朝周越撰越以善書名世天聖八年四月成此書
奏御故其序稱臣越臣兄起於柳公權書又云亡兄間
稱名而不臣似未精討論也

唐藏經音義四卷

右未詳撰人分四聲以類相從蜀中印本也

英公字源一卷

右皇朝釋夢英撰夢英通篆籀之學書偏旁五百三十

九字郭忠恕云按說文字源唯有五百四十部子字合
收在子部今日錄妄有更改又集解中誤收去部在注
中今點檢偏旁少晶蕊至龜弦五字故知林氏虛誕誤
後進其小說可焚夢英因書此以正之柴禹錫為立石
唐氏字說解一百二十卷

右皇朝唐耜撰紹聖以來用字說程試諸生解者甚衆
耜集成此書頗注其用事所出一時稱之耜知邛州日
奏御

五代史一百五十卷

右皇朝薛居正等撰開寶中詔修梁唐晉漢周書盧多遜扈蒙張澹李昉劉兼李穆李九齡同修居正監修

兩朝國史一百二十卷

右仁宗英宗兩朝國史也王珪等撰元豐五年六月甲寅奏御監修王珪史官蒲宗孟李清臣王存趙彥若曾肇賜銀絹有差蘇頌黃履林希蔡卞劉奉世以它職罷去吳充宋敏求前死皆有賜賚紀五卷志四十五卷比

之實錄事迹頗多但非寇準而是丁謂託之神宗詔旨

編年類

帝王鏡畧一卷

右唐劉軻撰自開闢迄唐初帝王世次綴為四言以訓童蒙偽蜀馮鑑續之至唐末

運歷圖六卷

右皇朝龔穎撰起於秦昭王滅周之歲乙巳止於國朝
雍禧丁亥以歷代興亡大事附見其下四年獻於朝優

詔獎之歐陽公嘗據之考正集古目錄稱其精博按晉
史張軌世襲涼州如但稱愍帝建興年號其間唯張祚
纂竊改建興四十二年為和平元年始奉穆帝升平之
朔始末不聞有改元事唯穎書載張實改元曰永安張
茂改元曰永元張重華曰永樂曰和平張元龍曰太始
張天錫曰太清張大豫曰鳳凰不知穎何所據而言或
云出崔鴻十六國春秋鴻書久不傳于世莫得而考焉

編年通載十五卷

右皇朝張衡撰衡觀四部書至古今纂輯運歷書十餘
家皆淺陋擅釀無足細繹乃編歷代年號貫以甲子始
于帝堯訖于國朝治平丁未質之經史資以傳記百家
之書聖賢勲德奸雄篡竊及蠻夷盜賊凡繫於存亡綱
紀之大者無不詳錄總三十四百年且刊正謬誤如史
記載舜年虞書不同漢紀載魏受漢禪與魏志受禪壇
碑各異之類熙寧七年表獻之

通鑑舉要歷八十卷

右皇朝司馬光撰通鑑奏御之明日輔臣亟請觀焉神宗出而示之每編始末識以睿思殿寶章蓋尊寵其書如此公尚惠本書浩大故為舉要云

寶曆歌一卷

右未詳撰人以開闢太古迄于周世宗正統帝王世次諡號成七言韻語一通

歷代紀元賦一卷

右皇朝楊億撰次漢至五代正統年號為賦一首又別

為宋頌四章

實錄類

唐高祖實錄二十卷

右唐房玄齡等撰太宗詔玄齡與許敬宗敬播同修起
創業盡武德九年貞觀十七年書成

唐太宗實錄四十卷

右唐許敬宗等撰起即位盡貞觀二十三年初貞觀十
七年房玄齡許敬宗敬播撰今上實錄止十四年成二

十卷永徽五年無忌與史臣續十五年後盡昭陵事合四十卷其後敬宗改定

唐高宗實錄三十卷

右唐劉知幾等撰起即位盡永淳二年凡二十九年初令狐德棻許敬宗等撰錄止顯慶三年成二十卷上之後知幾與吳兢續成

唐中宗實錄二十卷

右唐吳兢撰起神龍元年復位盡景龍四年凡六年

唐睿宗實錄十卷

右唐劉知幾撰知幾與吳兢先修太上皇實錄起初誕
止傳位凡四年後續修益止山陵

唐玄宗實錄一百卷

右唐元載等撰起即位盡上元三年凡五十年安史之
亂玄宗起居注亡大厯中史官令狐峘哀掇詔策備一
朝之遺闕開元天寶間君臣事多漏畧

唐肅宗實錄三十卷

右唐元載等撰起即位盡後元年凡六年

唐德宗實錄五十卷

右唐裴垪等撰起即位盡貞元二十一年凡二十五年
元和二年詔蔣乂樊紳林寶韋處厚獨孤郁同修五年
垪上之

唐憲宗實錄四十卷

右唐路隋等撰起即位盡元和十五年初穆宗長慶二
年詔監修國史杜元穎與史官韋處厚路隋沈傳師鄭

澣宇文籍等修元和實錄未及成書太和四年隋與蘇
景喬陳夷行李漢蔣係續成上之統例取捨皆出處厚
焉

唐穆宗實錄二十卷

右唐路隋等撰起即位盡長慶四年案文宗實錄太和
四年隋與蘇景喬等上憲宗實錄後有王彥威楊漢公
蘇滌裴休竝為史官云

唐文宗實錄四十卷

右唐魏謩等撰起即位盡開成五年凡十四年宣宗大中八年史官蔣偕牛叢王諷盧吉同修

唐武宗實錄一卷

右唐韋保衡等撰武宗以後實錄皆亡今存止會昌元年正月二月

唐宣宗實錄三十卷懿宗實錄三十卷僖宗實錄三十卷昭宗實錄三十卷哀宗實錄八卷

右國朝宋敏求次道嘗補宣宗實錄三十卷懿宗實錄

三十卷僖宗實錄三十卷昭宗實錄三十卷哀宗實錄
八卷通百二十八卷世服其博聞

蜀高祖實錄三十卷

右偽蜀李昊撰高祖者孟知祥也昊相知祥子昶時被
命撰起唐咸通甲午終於偽明德元年甲午凡六十二
年

太祖實錄三十卷

右皇朝沈倫撰太平興國三年詔李昉扈蒙李穆郭贄

宋白董淳趙隣幾同修倫總其事更歷二載書成起創
崇迄山陵凡十七年淳化中王禹偁作篋中記敘云太
祖神聖文武曠世無倫自受命之後功德日新皆禹偁
耳目所聞見今為史臣多有諱忌而不書又上近取實
錄入禁中親筆削之禹偁恐歲月浸久遺落不傳因編
次十餘事按禹偁所言雖未可盡信然咸平祥符間亦
以所書漏落一再命儒臣重修多所增益故有三本傳
于世

徽廟實錄二十卷

右皇朝程俱撰先是汪藻編庚辰以來詔旨頗繁雜俱刪輯成此書且附以靖康建炎時事

雜史類

高氏小史一百二十卷

右唐高峻撰以司馬遷史至陳隋書附以唐實錄纂其要分十例為六十卷後其子迥折而倍之

東觀奏記三卷

右唐裴廷裕撰昭宗時長安寇亂相仍自武宗以後日
歷起居注散軼不存詔史臣撰宣懿僖三朝實錄廷裕
次宣宗錄特採大中以來耳目聞見撰次此書奏記于
監修杜讓能以備史閣討論云

桂苑叢談一卷

右題云馮翊子子休撰雜記唐朝雜事僖昭時當是五
代人邯鄲云姓嚴

耳目記二卷

右題云劉氏未詳何時人雜記唐末五代事

唐餘錄六十卷

右皇朝王皞奉詔撰皞夔五代舊史繁雜之文採諸家之說倣裴松之體附註之以本朝當承漢唐之盛五代則閏也故名之曰唐餘錄寶元二年上之溫公修通鑑間亦采之皞曾之弟

唐末汎聞錄五卷

右皇朝閻自若纂乾德中王普五代史成自若之父觀

之謂自若曰唐末之事皆吾耳目所及與史冊異者多矣因話見聞故事命自若志之

五代補錄五卷

右皇朝陶岳撰祥符壬子岳以五季史書闕畧因書所聞得一百七事

呂夏卿兵志三卷

右皇朝呂夏卿撰公武得之于宇文時中季蒙題其後云夏卿修唐史別著兵志三篇自秘之戒其子弟勿妄

傳鮑欽止吏部好藏書苦求得之其子無為太守恭孫
偶言及因懇借抄錄於吳興之山齋

龍飛日歷一卷

右皇朝趙普撰記顯德七年正月藝祖受禪事是年改
元建隆二月普撰此書普時為樞密學士

景命萬年錄一卷藝祖受禪錄一卷

右皆未詳撰人記趙氏世次藝祖歷試迄受禪事

金人背盟錄七卷圍城雜記一卷避戎夜話一

卷金國行程十卷南歸錄一卷朝野僉言一卷
右皇朝汪藻編記金人伐契丹迄於宣和乙巳犯京城
圍城雜記等五書皆記靖康時事也

偽史類

十國紀年四十二卷

右皇朝劉恕道原撰溫公序云渙之子也博學強記同
修通鑑史事之紛錯難治者以諉恕宋次道知亳州家
多書恕往借觀之目為之替性剛介初與王安石善及

改新法言其非遂與之絕卒年四十九所謂十國者一
王蜀二孟蜀三吳四唐五吳越六閩七楚八南漢九荆
南十北漢溫公又題其後云世稱路氏九國志在五代
之史中最佳此書又過之以予考之長於考異同而拙
於屬文其書國朝事皆曰宋而無所隱諱意者各以其
國為主耳

東輶錄一卷

右皇朝路振子發撰振大中祥符初使契丹撰此書以

獻事見其傳

雲南行紀二卷

右唐韋齊休撰齊休長慶三年從韋審規使雲南紀其
往來道里及其見聞序謂雲南所以能為唐患者以開
道越雋耳若自黎州之南清溪關外盡斥棄之疆場可
以無虞不然憂未艾也及唐之亡禍果由此本朝棄雋
州不守而遂無邊患以此論之則齊休之言可不謂善
哉

至道雲南錄三卷

右皇朝辛怡顯撰蜀賊李順既平餘黨竄入雲南雷有終募怡顯招出之至道初歸因書其所歷成此書

南蠻錄十卷

右未詳撰人熙寧間交趾叛朝廷議討之或纂歷代南蠻事迹及便宜上之

西域志十二卷

右唐僧玄奘撰玄奘西遊天竺求佛書既歸記其所歷

諸國風俗其自序云自黑嶺以西皆土著尚東左衽務田畜重財賄嫁娶無禮獨天竺則異別記於後云

夏國樞要二卷

右皇朝孫巽纂記夏北兵屯會要土地肥磽井泉湧洄谷粟窖藏酋豪姓名位司存與夫城池之完缺風俗之所尚編為兩帙上之于朝

石晉陷蕃記一卷

右皇朝范質撰質石晉末在翰林為出帝草降北表知

其事為詳記少主初遷於黃龍府後居於建州凡十八年而卒按契丹丙午歲入汴順數至甲子歲為十八年實國朝太祖乾德二年也

北廷雜記十卷

右契丹降人趙志忠撰記北廷雜事始於阿保謹迄於律宗真李清臣云志忠仕北為中書舍人得罪宗真來歸上此書及契丹地圖言北中事甚詳

史評類

史通析微十卷

右唐柳燦炤之撰燦以劉子玄史通妄誣聖哲評湯之德為偽跡論桀之惡為厚誣謗周公云不臣褒武庚以徇節其甚至於彈劾仲尼因討論其舛謬共成五十篇蕭統云論則析理精微故以為名乾寧四年書成唐史云燦公綽族孫少孤貧好學著史通析微時或稱之起布衣至為相不四歲按唐紀相燦在天祐改元則書成時猶未仕也

歷代史贊論五十四卷

右未詳撰人纂史記迄五代史臣讚論

唐史音義三十卷

右未詳撰人比竇氏書大畧同而稍簡乃析為三十卷

兩漢博聞十二卷

右皇朝楊侃纂景德中侃讀兩漢書取其中名數前儒解釋為此書以資涉獵者侃嘗編職林矣此亦其類也

三劉漢書六卷

右皇朝劉敞原父弟敞貢父子奉世仲馮撰劉跂嘗跋
其書尾云余為學官亳州故中書劉舍人貢父實為守
從容出所讀漢書示余曰欲作補注未能也然卷中題
識已多公之子方山亞父錄以相示也

呂氏前漢論三十卷

右皇朝呂大忠晉伯撰予得其本于銅梁令呂肇修撰
汲公諸孫也

晉書指掌十二卷

右皇朝劉夔編以晉書事實以類分六十五門

職官類

翰林雜誌一卷

右不題撰人輯唐韋執誼故事元稹承旨壁記韋來微
新樓記杜元穎監院使記鄭璘視草亭記并詩李宗諤
題名記為一編或云蘇易簡子耆采其父翰林續志所
遺附益之

新御史臺記

右皇朝宋聖寵編崇寧中聖寵為察官續韓琬書咸用其規式所異者不為諸人立傳於儀制勅令格式為詳後人續至紹興九年

御史臺彈奏格一卷

右政和中御史中丞蔣猷奏乞委屬官李彌大將本臺制勅令格式彈奏事件編成格目六月書成上之

南宮故事一卷

右不題撰人韋述云開元中劉鄭蘭撰劉儒者無著述

才

執政拜罷錄十卷

右不題撰人自建隆元年迄于紹興九年按國朝以樞密院及叅知政事為執政改官制後以左右丞兩省侍郎并密院為執政建炎三年後復用舊制云

百官公卿表一百四十二卷

右皇朝司馬光君實等撰熙寧中光以翰林學士兼史官修撰建議欲據國史旁採異聞敘宋興以來百官除

拜効漢書作表以便御覽詔許之光請宋敏求同修及敏求卒又請趙彥若繼之歷十二年書成奏御

中書備對十卷

右皇朝元豐三年畢仲衍承詔編次序曰周官所謂要會者正今日中書所宜有自漢至唐莫知議此今編成十卷凡一百二十五門附五十八事李清臣嘗與許將書云備對乃吳正憲公居宰路以聖問多出意表故令中書掾畢君為之其時預有畫旨諸司遇取會不許滯

滯如此尚歷數年迺就後雖有改革然事亦可概見也

掖垣叢志二卷

右皇朝宋庠撰景祐中李宗諤始取國初掌誥名氏刻之于石自為紀序庠因之成此書王禹玉頗譏其疎畧裴廷裕載舍人上事知印宰相壓角至今傳之為故事而庠書闕焉

掖垣續志一卷

右不詳撰人續宋庠書迄元祐六年十一月陳軒試中

書舍人

輔弼名對四十卷目錄一卷

右皇朝劉顏撰纂西漢迄五代羣臣應對之名者汲黯有天子置公卿輔弼之臣寧令從諛承意陷主不誼之言顏取以名其書天聖初馮元為侍講上之顏嘗為令坐事免由是詔復其官

將作營造法式三十四卷

右皇朝李誠撰熙寧初勅將作監編修營造法式誠以

金史卷之三十一
卷一
為未備乃考究經史詢訪匠氏以成此書頒于列郡世
謂喻皓木經極為精詳此書蓋過之

儀注類

咸鎬故事一卷

右唐韋慎微撰纂長安自元日至除夜朝廷慶賀事

景德會計錄六卷

右皇朝丁謂謂之撰謂景德中纂三司戶口稅賦之入
及兵食吏祿之費會計天下每歲出納贏虧之數呂吉

甫元祐國計圖之類也書成奏御

刑法類

金科易覽三卷

右崇文總目有唐趙綽金科易覽一卷田氏書目有蕭
緒金科易覽三卷當是綽初撰一卷緒刪改析之為三
爾

天聖編勅三十卷

右天聖中宋庠龐籍受詔改修唐令叅以今制而成凡

二十一門官品一戶二祠三選舉四考課五軍防六衣服七儀制八鹵簿九公式十田十一賦十二倉庫十三廢牧十四關市十五補亡十六疾醫十七獄官十八營繕十九喪葬二十雜二十一

元豐廣案一百卷

右皇朝元豐初置新科明法或類其所試成此書

刑統賦兩卷

右皇朝傅霖撰或人為之注

決獄龜鑑二十卷

右皇朝鄭克編次五代和凝有疑獄集近時趙全有疑獄事類皆未詳盡克因增廣之依劉向晏子春秋舉其綱要為之目錄分二十門計三百九十五事

律心四卷

右未詳撰人纂刑統綱要也

斷例四卷

右皇朝王安石執政以後士大夫頗垂意律令此熙豐

紹聖中法寺決獄比也

地理類

山海經十八卷

右大禹製晉郭璞傳漢侍中奉車都尉劉秀校定表言禹別九州而益等類物善惡著此書皆聖賢之遺事古文明著者也大父嘗考之於其書有曰長沙零陵鴈門皆郡縣名又自載禹鯀似後人因其名叅益之

山海經圖十卷

右皇朝舒雅等撰雅仕江南韓熙載門人也後入朝數預修書之選閩中刊行本或題曰張僧繇畫妄也

十道志十三卷

右唐梁載言撰唐分天下為十道所載頗詳博其書多稱咸通中公革載言蓋唐末人也

游城南記一卷

右皇朝張禮撰禮秦人元祐中與陳明微自長安城南探奇訪古以抵樊川因次之為記

太平寰宇志二百卷

右皇朝樂史等撰太平興國中盡平諸國天下一統史
悉取自古山經地志考正訛謬纂成此書上之于朝

圖經

右皇朝李昉撰

洽聞記三卷

右唐鄭常撰雜記郡國舊事故附之地理類

職方機要四十卷

右不題撰人姓名序云本新舊九域志上據歷代史旁
取左氏水經通典且採舊聞叅以小說點繆舉真紬成
此書其間載政和間事蓋當時人也

傳記類

襄陽耆舊記五卷

右晉習鑿齒撰前載襄漢人物中載其山川城邑後載
其牧守隋經籍志曰耆舊記唐藝文志曰載舊傳觀其
書記錄叢脞非傳體也名當從經籍志云

高士傳十卷

右晉皇甫謐撰纂自陶唐至魏八代二千四百餘載世
士高節者其或以身徇名雖如夷齊兩龔皆不錄凡九
十六人而東漢之士居三之一自古名節之盛議者獨
推馬觀此尤信

孔子編年三卷

右皇朝孔傳取左氏國語公羊史記及他書所載孔子
事以年次之自生至卒

東家雜記二卷

右皇朝孔傳撰孔子四十七代孫也纂其家舊聞軼事于此書

翊聖保德傳三卷

右皇朝王欽若撰建隆初有神降于鳳翔民張守真家開寶末徵守真詣闕屬太宗踐祚封神翊聖將軍築宮于終南山祥符中詔欽若編次其事御為製序引

登科記三十卷

右皇朝樂史撰記進士及諸科登名者起唐武德迄天祐末

唐制舉科目圖一卷

右不題撰人凡七十六科仕至宰相者七十二人唯劉蕡名最高而官最不達

宋登科記三卷

右皇朝登科人名氏未詳何人所撰

民表錄三卷

右皇朝胡納撰錄國朝循吏善政李淑以為雖淺俗亦可備廣記云納瑗之父天聖中偕賢惠錄上之

賢惠錄三卷

右皇朝胡納撰錄國朝賢惠之女後一卷瑗嗣成之

萊公勲烈一卷

右皇朝寇宗奭編宗奭準之曾孫也編集仁宗祭準文及贈誥墓碑傳誌贊詩等為此書

列仙傳二卷

右漢劉向撰

高僧傳十四卷

右蕭梁僧釋慧皎撰慧皎以劉義宣靈驗記陶潛搜神錄等數十家並書諸僧殊疎畧乃博采諸書咨訪古老起于永平十年終于天監十八年凡五百五十二載二百五十七人又附見者二百餘人分為釋經義解神異習禪明律遺身誦經興福經師唱道十科

續高僧傳三十卷

右唐僧道宣撰藝文志作道宗大明寺僧也以慧皎會稽人故其書詳於吳越而畧於燕魏故上距梁天監下終唐貞觀十九年百四十四載編載二百四十人附見者又一百六十人分釋經解義習禪明律護法感通遺身讀誦興福雜科凡十門

比丘尼傳四卷

右蕭梁僧寶唱撰起晉升平訖梁天監得尼六十五人為之傳以檢淨為首寶唱金陵人藝文志有其目

補江總白猿傳一卷

右不詳何人撰述梁大同末歐陽紇妻為猿所竊後生子詢崇文目以為唐人惡詢者為之

綠珠傳一卷

右皇朝樂史撰

譜諜類

千姓編

右不著撰人

釋迦氏譜十卷

右唐釋僧祐撰僧祐以釋迦譜記雜見于經論覽亦難通因纂成五卷又取內外族姓及弟子名氏附于後

書目類

文選著作人名三卷

右唐常寶鼎撰纂文選所集文章著作人姓名鄉里行事及其述作之意

十三代史目三卷

右唐殷仲茂撰輯史記兩漢三國晉宋齊梁陳後魏北齊周隋史籍篇次名氏國朝杜鎬以唐五代書目續之

開元釋教錄三十卷

右唐僧智昇撰智昇在開元中纂釋氏諸書入中國歲月及翻譯者姓氏以楞嚴經為唐僧懷迪譯張天覺以懷迪與菩提流支同時流支後魏僧其言殆不可信也

成都刻石總目三帙

右皇朝劉涇撰元祐中蔡京帥成都以意授涇纂府縣

碑板幢柱自東漢初平迄偽蜀廣政凡二百六十八

田氏書目六卷

右皇朝田鎬撰田偉居荆南家藏書幾三萬卷鎬偉之子也因成此目元祐中袁默為之序

羣書備檢十卷

右未詳撰人輯易書詩左氏公羊穀梁二禮論語孟子荀子揚子文中子史記兩漢三國志晉宋齊梁陳後周北齊隋新舊唐五代史書以備檢閱

邵齋讀書後志卷一